



სსიპ  
ბავშვთა და ახალგაზრდობის ეროვნული ცენტრი

თბილისი



21/03/2018

5-07-4-201803211410

ბ რ ძ ა ნ ე ბ ა N 5

პროგრამა „მომავლის ბანაკის“ ფარგლებში დაბა ბაკურიანში „სამთო-სათხილამურო სპორტული ბანაკის“ შინაგანაწესის დამტკიცების თაობაზე

საქართველოს განათლებისა და მეცნიერების სამინისტროს სსიპ - ბავშვთა და ახალგაზრდობის ეროვნული ცენტრის დებულების მე-3 მუხლის მე-2 პუნქტის „თ“ ქვეპუნქტის საფუძველზე,

ვ ბ რ ძ ა ნ ე ბ ა:

1. დამტკიცდეს წინამდებარე ბრძანებაზე თანდართული, პროგრამა „მომავლის ბანაკის“ ფარგლებში, დაბა ბაკურიანში „სამთო-სათხილამურო სპორტული ბანაკის“ შინაგანაწესი;
2. დაევალოს სსიპ - ბავშვთა და ახალგაზრდობის ეროვნული ცენტრის ადმინისტრაციული დეპარტამენტის ადამიანური რესურსების მართვისა და საქმისწარმოების დეპარტამენტს წინამდებარე ბრძანებისა და შინაგანაწესის უფლებამოსილი სამსახურებისათვის და დაინტერესებული პირებისათვის კანონით დადგენილი წესით გაცნობა;
3. წინამდებარე ბრძანება მისი გაცნობიდან ერთი თვის ვადაში შეიძლება გასაჩივრდეს საქართველოს განათლებისა და მეცნიერების სამინისტროში (მის: ქ. თბილისი, დიმიტრი უზნაძის ქ. N52);
4. ბრძანება ძალაშია ხელმოწერისთანავე.

გიგა გაბელაია

ცენტრის უფროსი

## პროგრამა “მომავლის ბანაკის” ფარგლებში „სამთო-სათხილამურო სპორტული ბანაკის“

### შინაგანაწესი

#### 1. აღწერილობა

პროექტის განხორციელების პერიოდი: 01/01/2018 - 31/12/2018

ადგილმდებარეობა: დაბა ბაკურიანი

ნაკადის ხანგრძლივობა: 7 დღე

#### 2. ზოგადი დებულებები


წინამდებარე შინაგანაწესით დადგენილი წესების დაცვა სავალდებულოა პროგრამაში მონაწილე ყველა პირისათვის და ამ წესების დარღვევა ითვალისწინებს ბენეფიციარის, ლიდერის ან სხვა ნებისმიერი პირის დათხოვნას ბანაკიდან. ბანაკიდან დათხოვნა ხორციელდება ბანაკის ხელმძღვანელის წარდგინებით, ცენტრის უფროსის გადაწყვეტილების საფუძველზე. დათხოვნილი ბენეფიციარის/ბენეფიციარების ტრანსპორტირების ორგანიზება განხორციელდება მშობლების (მეურვის) მიერ.

#### 3. სპეციალური წესები

3.1. პროგრამის მიმდინარეობის პერიოდში ბანაკის ტერიტორიაზე დაუშვებელია:

- ალკოჰოლის შეტანა და მოხმარება;
- ბანაკის ტერიტორიაზე ალკოჰოლური თრობის მდგომარეობაში ყოფნა;
- ცივი/ცეცხლსასროლი იარაღის შეტანა;
- მედიკამენტების შეტანა, გარდა ექიმის დანიშნულებით გათვალისწინებული საშუალებებისა;
- თამბაქოს მოხმარება მონაწილეებისათვის, ხოლო ბანაკის ადმინისტრაციისა და სხვა მომსახურე პერსონალისათვის სპეციალურად გამოყოფილი ადგილების გარდა;
- ბანაკის კვების რაციონით გათვალისწინებული მენიუს გარდა სხვა საკვების შეტანა და მიღება;
- ბენეფიციარებისა და ლიდერების მიერ ბანაკის ტერიტორიის დატოვება, გარდა პროგრამის დღის წესრიგით განსაზღვრული შემთხვევებისა;
- ბანაკის ინფრასტრუქტურისა და ინვენტარის მითვისება/დაზიანება/განადგურება;

#### 4. ბანაკის სტრუქტურა



- **ბანაკის ხელმძღვანელი:**

ბანაკის ხელმძღვანელი პასუხისმგებელია ბანაკის უსაფრთხო და სრულფასოვან ფუნქციონირებაზე. განსაზღვრავს ბანაკის ინფრასტრუქტურულ და ტექნიკურ საჭიროებებს და კონტროლს ახორციელებს პრობლემების აღმოფხვრაზე; აწარმოებს საჭირო კორესპონდენციას; მონიტორინგს უწევს ბანაკში მომუშავე პერსონალის სამსახურებრივი მოვალეობების შესრულებას. საჭიროების შემთხვევაში ახორციელებს მოლაპარაკებებს სხვადასხვა უწყების წარმომადგენლებთან.

- **პროგრამის კოორდინატორი:**

პროგრამული კუთხით მონიტორინგს უწევს ლიდერების საქმიანობას. უზრუნველყოფს პროგრამით გათვალისწინებული აქტივობების დროულად გამართვას.

- **ლიდერების კოორდინატორი:**

უზრუნველყოფს ლიდერების ზედამხედველობას. მონიტორინგს უწევს პროგრამული ნაწილის სრულფასოვან განხორციელებას.

- **კვების ექსპერტი:**

ზედამხედველობას უწევს ბანაკის სასადილო ბლოკის გამართულ მუშაობასა და ჰიგიენურ-სანიტარული ნორმების დაცვას.

- **ლიდერები:**

ლიდერებს ევალებათ ბენეფიციართა ზედამხედველობა, ბანაკის პროგრამული ნაწილის შესრულების უზრუნველყოფა, მონაწილეების და ზოგადი უსაფრთხოების ზომების დაცვა, პრობლემების დროულად აღმოფხვრის მიზნით ხელმძღვანელობის დროული ინფორმირება.

- **მძღოლი:**

ბანაკის მიმდინარეობის პერიოდში ევალება ადმინისტრაციული პერსონალის შეუფერხებელი და უსაფრთხო გადაადგილების უზრუნველყოფა.

## 5. ბანაკის დღის წესრიგი

ბანაკის პროგრამა 7 დღისგან შედგება და თითოეული დღე მოიცავს, როგორც საგანმანათლებლო, ისე სპორტულ და კულტურულ აქტივობებს. ბანაკში უზრუნველყოფილია ახალგაზრდების ინტელექტუალური, პიროვნული, პროფესიული და ფიზიკური პოტენციალის გამოვლენის, ფორმირებისა და განვითარებისათვის შესაბამისი პირობები.

## 6. რეკომენდაციები

ბანაკში უსაფრთხოების ზომებთან დაკავშირებით აუცილებელია გათვალისწინებულ იქნას შემდეგი რეკომენდაციები:

### 1. ზოგადი უსაფრთხოება

- ☑ მონაწილეების ჩამოსვლამდე უნდა მოხდეს ბანაკის ტერიტორიის დეტალური შესწავლა, რათა გამოვლინდეს საფრთხის შემცველი ელემენტები.

### 2. სამედიცინო უსაფრთხოება:

- ☑ უნდა მოხდეს ბენეფიციარებისთვის იმ საკვების ჩამორთმევა, რომელიც მათ თან ჩამოიტანეს ბანაკში.

- ☒ ყველა ლიდერი ვალდებულია დაუყოვნებლივ აცნობოს ბანაკის ადმინისტრაციას რომელიმე ბენეფიციარის ჯანმრთელობის მდგომარეობის გაუარესების შესახებ.

### **3. ფორსმაჟორი:**

- ☒ ფორსმაჟორის შემთხვევაში ბანაკის ადმინისტრაციამ განმახორციელებელ ორგანიზაციასთან და შესაბამის უწყებებთან თანამშრომლობით უნდა უზრუნველყოს მონაწილეების უსაფრთხო გაყვანა ბანაკის ტერიტორიიდან.